

四經同卷

思四

舍衛國王夢見十事經

國王不黎先尼十夢經

阿難同學經

五蘊皆空經

舍衛國王夢見十事經

乙

失譯今附西晉錄

明義刊

佛在舍衛祇桓阿難邠抵阿藍時國王波斯匿夜卧夢見十事何謂爲十事一者見三瓶併兩邊滿中央空兩瓶滿沸氣交往來不入空瓶中二者見馬口亦食尻亦食三者見小樹生華四者見小樹生實五者見一人切繩人後有羊主食繩六者見狐坐於好床食以金器七者見大牛還從小犢子乳入者見四牛從四面鳴來相趣欲鬪當合未合不知牛處九者見大陂水中央濁四邊清十者見溪水流正赤王夢已即覺王大惶怖恐亡其國軀明日王即召公卿大臣及明道知解夢者

婆羅門皆到王前王即爲說夜夢十事誰能解者諸能解夢者即言我不能解之恐王聞之不樂王言便說之如卿所知婆羅門即爲王說之言當殺王太子以祠天王重夫人當殺以祠天王邊旁持奴婢當殺以祠天王所有白象當殺以祠天王所重好馬當殺以祠天王所可卧具及著身珍寶好物皆當燒用祀天王此王身乃無他王聞婆羅門解夢如是王即大愁憂却入齋室思念是王有一夫人名摩利就到王所齋室問王何爲入齋室愁憂我身將有過失王即言若莫問儻聞者令苦愁夫人即復問何因緣愁王言不須復問聞者令苦憂夫人復言我是王身半也王有急緩當以告我王即爲說之言我昨日夜夢見十事一者見三瓶兩邊滿中央空兩瓶滿沸氣交往來不入空瓶中二者見馬口亦食尻亦食三者見小樹生華四者見小樹生實五者見一人切繩人後有羊主食繩六者見

狐坐好床食以金器七者見大牛還從小犢子乳八者見四牛從四面鳴來相趣欲鬪當合未合不知牛處九者見大陂水中央濁四邊清十者見大溪水流正赤夢已即覺惶怖夢如是恐亡我國恐亡我子恐亡我國中人民及明日我即召公卿大臣諸婆羅門能解

思二 義

夢者爲說夢如是婆羅門解夢言王所愛者皆當以祠天用是故憂愁夫人言王莫愁憂人行買金以金磨石好惡其色見石上今佛在祇桓阿難邠坻阿藍可往問佛夢意如佛解者當隨佛語王即勑左右車騎車騎以嚴王即乘高蓋車車名披羅延時車騎數千即從舍衛到祇桓阿難邠坻阿藍得步徑即下車步到佛所見佛前以頭面著佛足乃坐白佛言我昨日夜夢見十事一者見三瓶併兩邊滿中央空兩瓶滿沸氣交往來不入空瓶中二者見馬口亦食尻亦食三者見小樹生華四者見小樹生實五者見一人切繩人後

有羊主食繩六者見狐坐於好牀食以金器七者見大牛還從小犢子乳八者見四牛從四面鳴來相趣欲鬪當合未合不知牛處九者見大陂水中央濁四邊清十者見大溪水流正赤我夢如是覺即怖懷恐亡我國恐亡我子恐亡我國中人民及王言願佛爲我解

是十事佛即告王言莫恐莫恐所夢者無他於王身無惡於國亦無惡於妻子亦無惡於夫人亦無惡王所夢者皆爲後世施耳後世人不畏法皆淫泆皆貪一妻不厭足數怒愚癡不知慙愧王夢見三瓶併兩邊滿中央空兩瓶滿沸氣交往來不入空瓶中者後世人

思四

三

當不給視貧窮近親兩富自相饋遺王夢見一事者正爲是耳王莫恐莫恐於國於身妻子皆無他王夢見馬口亦食尻亦食者後世大臣當稟食於官復食於民王夢見二事者但爲是耳王莫恐莫恐於國於身妻子皆無他王夢見小樹生華者後世人年未滿三十

當頭生白髮王夢見三事者正爲是耳王莫愁莫恐於國於身妻子皆無他王夢見小樹生實者後世女人年少當行嫁抱子不知慙愧王夢見四事者正爲是耳王莫恐莫恐於國於身妻子皆無他王夢見一人切繩人後有羊主食繩者後世人當行出賈留婦於家

婦當私與男子共棲宿王夢見五事者正爲是耳王莫恐莫恐於國於身妻子皆無他王夢見狐坐於好牀食以金器者後世庶人當有財富者當在上坐飲飲極味王夢見六事者正爲是耳王莫恐莫恐於國於身妻子皆無他王夢見大牛還從小犢子乳者後世人

母當爲女作媒將他人男子與女共房母當主守門持女婿錢用自給活王夢見七事者正爲是耳王莫恐莫恐於國於身妻子皆無他王夢見四牛從四面鳴來相趣欲鬪當合未合不知牛處者後世人當不畏天姬渴食一妻不厭足數怒愚癡不知慙愧不畏

上下雨師不爲時節帝王長吏人民皆當請雨兩師見帝王長吏人民施行如是故四面起雲帝王長吏皆喜言雲以四面起今當兩湏臾間雲各自散去雨師故見惟欲使帝王長吏人民畏天地不媿涉不貪守一妻慈心莫怒王夢見八事者正爲是耳王莫恐莫恐於國於身妻子皆無他王夢見大陂水中央濁四邊清者後世人間浮利內者當不孝父母不敬長老無反復不顧後邊國當孝父母敬長老有反復王夢見九事者正爲是耳王莫恐莫恐於國於身妻子皆無他王夢見大溪水正赤者後世人當不厭其國興

思曰

四

又

師人民起兵共鬪當作車兵馬步兵當以車兵相殺馬兵相殺步兵相殺血流正赤王夢見十事者正爲是耳王莫恐莫恐於國於身妻子皆無他是夢者皆爲後世方來之事王即長跪言得佛教心即歡喜如人持小器受膏膏多器小更求大器得大器更受之即

安隱不恐王即稽首再拜前以頭面著佛足而去祿歸於宮重賜正夫人皆奪諸公大目俸祿不復信諸婆羅門語

舍衛國王夢見十事經

邠<sub>上布巾反</sub>坻<sub>下直饋友</sub>移匿<sub>下足力反</sub>即覺<sub>下晝</sub>怖據<sub>其下</sub>其<sub>反</sub>  
去<sub>上求位反</sub>饋<sub>下惟醉反</sub>遺